



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

B. Puer Constantinopolitanus. 25. Septembris.

urn:nbn:de:hbz:466:1-44055

palæstrâ exerceret, noctu silvas & ex silvis ligna petebat, leprosis interim in lectulo Episcopi vicem dormientibus. Hostibus, qui regi Petro regnum, quod Stephanus suâ morte illi in manus tradiderat, vi eripuerant, malam mortem, sibi optimam vaticinatus est & sanguine comparandam. Et verò anno M X L I I . à globo impiorum cinctus, lapidibus primò est appetitus: sed, quia innoxius hos scuto Crucis excipiebat, post currum eversum hastâ transfixus est, cùm pro parviciis suis, Christi & Stephani exemplo, è genibus perorasset. *Ex Surio.*

Beatus qui ab omni abhorret turpitudine peccatorum, seq̄z hostiam viventem & Domino acceptam offerat. Beatus qui semper in seipso Dei memoriam colit: erit enim totus velut Angelus cælestis in terra cum reverentia & amore sacrificans Domino. S. Ephrem in Beatitud.

B. PUER CONSTANTINOPOLITANUS.

25. Septembris.

Quid hodie primùm miramur despere hæreticos? jam olim barbatos horum Magistros & ferulâ dignissimos ad rudem pueritiam erudiendos cælum ablegavit. Ita Petro Fulloni, qui Eutychetis œstro afflatus unicam tantum in Christo naturam, adeoque mortalem D E V M somnabat, doctorem puerum multò antè providit. Nam cùm sub Theodosii Junioris tempora terræ motu totus orbis, sed Constantinopolis potissimum, v i. ipsos menses laboraret, præter nobilissima urbis ædificia tectaque & sacra & profana dejecta, animi insuper omnium ita sunt conseruati, ut cum ipso Imp. suo urbs urbem desereret, campos

que

25. Sept. VITÆ S A N C T O R V M . 467
que habitaret. Illud tamen ciuium bono factum,
quod tellus sic mota mentes hominum non tam
ad metum quam pietatem movit. Ipse Theodo-
sius Imp. in togâ privatâ sordidus & pedes nudus
dies noctesque Superos veniam sibi ac suis ora-
bat. Inter hæc PVER innocentulus turbine raptus
sublimis sub omnium & ex omnium oculis abiit,
comesque huic unâ vulgi vox Kyrie eleison ivit.
Hora non amplius abiit, cum eadem viâ puer re-
dit, narratque quod à cæli Choraulis cantari au-
dierat Trisagion. Sanctus Deus, Sanctus fortis, San-
ctus immortalis, miserere nobis, aitque vetitum esse
cæli consulto quidquam his addi. Simul legatio-
ne suâ perfunctus ad musicam suam moriens abit.
Interea Patriarcha voluit, ut voces auditæ repe-
teret terra, cantuque etiam ipsa cælo, quod provo-
caverat, responderet. Factum, & Trisagion canta-
tum terram firmavit trepidam; ut homines non
jam certasse tantum Superis voce, sed tunc superas-
se videantur. Ex Men.

Si accipientes munera taciti & immemores fueri-
mus, tamquam ingrati & indigni eorum subministra-
tione fraudabimur; ut Deum, quem beneficiis non cog-
novimus, malis ingruentibus requiramus, & adversis
simulemur ad rogandum, qui prosperis gratiam non
egimus ad fruendum. S. Maxim. de non tim. car. host.

S. JUSTINA V. & M. 26. Septembris.

A N hodie suum parentes faciant, nescio, olim
parentum officium liberi etiam fecerunt.
Ita JVSTINA à teneris annis Christianas leges
claram edocta, docere easdem parentes cœpit. Et
jam per matris ad pectus patris aditum sibi fece-
rat; cum hunc nutantem jam in partes Christianas

V 6

visus